



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏՐԱՆՍՊՈՐՏԻ, ԿԱՊԻ ԵՎ
ՏԵՂԵԿԱՏՎԱԿԱՆ ՏԵԽՆՈԼՈԳԻԱՆԵՐԻ ՆԱԽԱՐԱՐՈՒԹՅՈՒՆ
ՆԱԽԱՐԱՐԻ ԱՌԱՋԻՆ ՏԵՂԱԿԱԼ**

N. 02/07/9049-18

«25»05.....2018թ.

**<<Հետք>> պարբերականի լրագրող
Սեդա Ղուկասյանին**

Հարգելի Սեդա,

Շնորհակալություն այս հարցում հետևողականություն ցուցաբերելու համար: Ի պատասխան 21.05.2018թ. Ձեր հարցման՝ տեղեկացնում եմ.

1. Կուտակային կենսաթոշակային համակարգի մասին իմ դիրքորոշումը միշտ հիմնված է եղել մեկ սկզբունքի վրա, այն է՝ այդ համակարգը պետք է ծառայի Հայաստանի Հանրապետության և քաղաքացիների շահերին: Այս սկզբունքն արտացոլված է եղել ինչպես շարժման պահանջներում և առաջարկներում, այնպես էլ իմ հրապարակային ելույթներում և մեկնաբանություններում: Համակարգում ներգրավված ֆոնդերի կառավարիչները պետք է ունենան Հայաստանի տնտեսության իրական հատվածում ներդրումներ կատարելու պայմաններ, որոնք կստիպեն գումարները Հայաստանից դուրս բերելու փոխարեն օգտագործել ի շահ տնտեսության և քաղաքացիների:
2. Ֆոնդերը կառավարող ընկերությունների գործունեությանը ծանոթ չեմ: Միայն կարող եմ ասել, որ ուրախ կլինեի տեսնել նրանց կողմից ներդրումներ Հայաստանի տնտեսության արդյունաբերական և բարձր տեխնոլոգիական հատվածում:
3. Կարծում եմ, որ նոր կառավարությունը այս հարցին պետք է տա համակողմանի, արդարացի, քաղաքացու և երկրի շահերից բխող լուծում, և այդ լուծումը պետք է թույլ տա համակարգն աշխատեցնել այնպես, որ քաղաքացին իր վրա չզգա պարտադրանք: Ամենակարևոր պայմաններից պետք է լինի սոցիալական բաղադրիչը. աշխատողը չպետք է իր վրա սոցիալական բեռ զգա՝ համակարգին մասնակցելու պատճառով:

Հարգանքով՝

Հակոբ Արշակյան

Նախարարի մամուլի քարտուղար, Հեռ. 010-59-01-71